

SHWBIZ KLIP

BON DIA



Dushi Band ta lansa su produccion nobo titula "Dushi 4U" cu ta contene 11 tema riba dje



photo by Bacchanal



Tabata diabierna anochi den e programa di television "Riba Bao" cu a wordo a wordo batisa den forma unico e produccion nobo di Dushi band. Un produccion cu sigur hopi hende tin sed di dje, e padrino tabata Caiso Teddy cu a haya e honor di rementa e blaas grandi cu tabata contene e album di e banda local y cu nan a honra tur esnan cu di un manera of otro no ta cu nos

mas cu ta den shelo celebrando e yegada di e produccion. Un anochi sigur espectacular unda cu Dushi Band a presenta den forma 'bibo' gran parti di e temanan cu ta aparece den e album aki, e tema cu ta habri e album ta e tema cu a keda na di dos luga riba e anochi final di Roadmarch y Calypso esta Jam Frenzy canta pa Teddy Phillips bao autoria di Hildward Croes.

E produccion ta conta tambe cu un di e temanan cu sigur tabata e di tres tema promocional di e album cu hiba e mesun number cu e tema yama Dushi 4 U (Dushi P'abo!) cu ta conta cu e aparicion special di Area 51 di Corsou hunto cu Menjoe (Melvin Garcia), e ritmo original di e tema aki ta di 'Ruffy N Tuffy Riddim' di Fryktion Muzik y Hildward a modifica esaki na su gusto di cual tambe a bira un hit masha grandi mes na tur stacion di radio local, como tambe na Boneiro y Corsow. Mighty Mike (Micheal Saladin) no por a keda fo y e biaha aki e la canta e tema 'D Belly Groove' cu ta un tema di e autoria di Hildward Croes y Gos Oduber, mester subraya e exito cu sigur lo bay domina tur eleccion nan di reina y esaki ya caba ta wordo premira ta "Klap E" canta pa Menjoe (Melvin Garcia) skirbi p'e mes hunto cu Hildward Croes. E sensacion mundial cu tabata e di dos (2) tema promocional cu a habri 2011 pa Dushi band ta nan propio version di Danza

Kuduro (2011 Soca Remix) cu e aparicion di e propio Don Omar y Lucenzo danki n'e tecnologia di awendia. E album aki tambe ta conta cu e exito di aña pasa 'Ua Ua' cu a haya un bachi completamente nobo, sigui pa Carnival Anthem canta pa Ray "Rusty" Sprock y no por laga fo e tema cu a habri e liña di temanan promocional pa Dushi band cu por cierto nan a lansa esaki e prome siman di December 2011 cual tema ta Dynamite (2011 Soca Remix) canta pa Taio Cruz cu por cierto esaki tabata pa muestra e ilustra di un manera masha sutil e ritmo cu Hildward a crea e biaha aki cu y pa Dushi band cu nan ta uzando e temporada di carnaval 57.

Otro di e temanan cu ta zona masha hopi mes na eventonan di carnaval ta "T'is Time" (Ki Ora?) cu ta un di e temanan cu ta tatua den hopi hende nan mente pasobra hasta ora cu tin wega esaki a wordo uza pa mas di un biaha, riba e album ta sigui e tema 'Round The World' canta pa King George ta un di e temanan participante den e anochi nan di pre-final. E produccion aki ta cera e album cu 'Fire Burning' (2011 Soca Remix) cu ta un tema canta pa Sean Kingston danki un biaha mas p'e tecnologia di awendia y e maestria di e maestro Hildward Croes a duna esaki un bachi mas Caribeense. E album aki ta contene 11 tema bao di e produccion, areglo y dirigi p'e propio Hildward "D'Prince" Croes y tur e temanan a wordo graba, mescla y masterisa den Vanilla Kingdom Studios. Dushi Band su elenco di e aña ki ta consisti di entre Guisette Croes (cantante),

Melvin "Menjoe" Garcia (cantante), Michael "Mighty Mike" Saladin (cantante), Teddy "Caiso T" Phillips (cantante), Maya Marin (cantante), Michel Almary (cantante), Nico Connor (Bahista), Edmar Rincones (Guitara electrico), Michael Brema (Drummer), Juni Farro (Percusion), Jeremy Bonarriba (Percusion), Hildward Croes (teclado, piano, programacion y cantante). Dushi Band kier a gradici di curason Mama Ada, Papa Maiky, Hilyann, Natusha, Jacque, Eugene Jones, DJ Kenny O The Legend, Erik Jan Eman (Purple Entertainment and Sound Projects), Ivan Q. Maikito, Marlin, Marilyn, Kito, Gos, Ronnie, Joally y henter e "Dushi People massive and the never-tiring Dushi-Road-Warriors", na tur su fanaticonan Hildward a duna nos di conoce cu e album aki ta dedica na nan y sigur cu e fanatico ta e rason cu a crea e album aki. E diseño grafico di e album tabata den man completamente Michel Almary, mientras pa esnan cu kier tin contacto directo cu Dushi Group tin Aldrick Croes na Tel: 594 4100 / 582 1442, E-mail: croesaruba@yahoo.com como tambe www.DushiGroup.com y esnan cu ta sigui Facebook, Twitter y MySpace tambe e Duhi Banda y Dushi Carnival Group ta accesibel riba e pagina social menciona.

Manera Hildward mes a señala na final di nos combersacion cune relaciona cu e album nobo aki, den su propio palabra: The language of Music! Huge big up to each and all of you! Joy, Love, Light, Peace, Caring, Gratitude! Dushi P'abo!